

Broj: 01-11-4-787/20
Sarajevo, 07.09.2020. godine

Na osnovu člana 18. stav (1) Zakona o javnim nabavkama („Službene novine Federacije BiH“, broj 39/14), direktor Federalnog hidrometeorološkog zavoda, donosi

O D L U K U o pokretanju postupka javne nabavke

I.

Federalni hidrometeorološki zavod u skladu sa ukazanom i planiranom potrebom pokreće postupak javne nabavke usluga putem pregovaračkog postupka bez objave obavještenja o nabavci - **Održavanje hidrološkog informacionog sistema WISKI, proizvođača KISTERS AG, Njemačka.**

II.

Zakonski osnov za provođenje postupka javne nabavke predstavlja član 21. stav (1) tačka c) i član 28. Zakona o javnim nabavkama („Službene novine Federacije BiH“, broj 39/14) (u daljem tekstu: Zakon).

III.

Procijenjena vrijednost javne nabavke iz tačke I. ove odluke iznosi cca 17.000,00 KM bez PDV-a - domaći vrijednosni razred (član 14. stav (1) Zakona).

IV.

Sredstva za realizaciju premetne nabavke obezbijedena su u Budžetu Federacije Bosne i Hercegovine za 2020. godinu – Federalni hidrometeorološki zavod, razdjel 35, na poziciji ekonomski kod 6137 - izdaci za tekuće održavanje („Službene novine Federacije BiH“, broj 99/19 od 31.12.2019. godine).

V.

Vrsta postupka javne nabavke je pregovarački postupak bez objave obavještenja sa jednim pozvanim kandidatom/ponuđačem, a u skladu sa članom 21. stav (1) tačka c) Zakona, obzirom da zbog suštinskih, tehničkih i razloga koji se odnose na zaštitu ekskluzivnih prava samo jedan dobavljač, „KISTERS AG Njemačka“ može pružiti uslugu – **Održavanje hidrološkog informacionog sistema WISKI, proizvođača KISTERS AG, Njemačka.**

Naime, donošenju ovakve odluke prethodio je postupak analitičkog istraživanja tržišta ugovornog organa za predmetnu nabavku. Rezultat izvršene analize visoko sofisticiranog i ograničenog tržišta koje obuhvata predmetne usluge je konstatacija data od Sektora hidrologije, koji se bavi predmetnom oblasti, da se radi o vrlo uskom tržištu za koje je lako dokaziva ograničenost izbora na samo jednog ponuđača. Također, za predmetnu nabavku ne postoji veći broj potencijalnih konkurenata, niti ugovorni organ ima alternativni izbor jer se radi o uslugama koje zbog suštinskih tehnički dokazivih razloga, koji se odnose na zaštitu ekskluzivnih prava može pružiti i isporučiti samo jedan dobavljač, i to službeni proizvođač hidrološkog informacionog sistema WISKI.

U ovom postupku nabavke radi se o zaštiti ekskluzivnih prava kada samo određeni ponuđač može izvršiti predmetnu nabavku, a obzirom da je aktom kompanije KISTERS AG, sa sjedištem u Njemačkoj – Pascalstrasse 8+10, 52076 Aachen Germany, koja je proizvođač informacijskog sistema za vodu WISKI, izjavljeno da niti jedna treća strana nije ovlaštena za pružanje usluge podrške i održavanja njihovog softvera „WISKI“ niti srodnih proizvoda „BIBER“, „SKED“, „VODNI PORTAL“ (vodni portal), pokrenuta je procedura pregovaračkog postupka bez objavljivanja obavještenja o javnoj nabavci sa jednim ponuđačem, i to kompanijom KISTERS AG, Njemačka - proizvođačem hidrološkog informacionog sistema WISKI, što znači da je navedeni kandidat/ponuđač, jedini koji može da izvrši predmetnu nabavku.

Ugovorni organ će prilikom provođenja predmetnog postupka voditi računa da ugovorena cijena ne bude veća od uporedne tržišne cijene i sa dužnom pažnjom će da provjerava kvalitet pruženih usluga.

VI.

Kriterij za dodjelu ugovora je najniža cijena tehnički zadovoljavajuće ponude.

VII.


Ostali uslovi javne nabavke će se odrediti tenderskom dokumentacijom.

VIII.

Provođenje postupka javne nabavke iz tačke I. ove Odluke obaviti će Komisija za javne nabavke, koja će se imenovati posebnim rješenjem.

IX.

Odluka stupa na snagu danom donošenja.



Dostaviti:

- Odsjeku za pravne, adminst. i mat.-fin. Poslov
- Komisiji
- web stranica (IT Centru)
- a/a